

BOSNA I HERCEGOVINA

Brčko distrikt BiH

**SKUPŠTINA**

**BRČKO DISTRIKTA BiH**



БОСНА И ХЕРЦЕГОВИНА

Брчко дистрикт БиХ

**СКУПШТИНА**

**БРЧКО ДИСТРИКТА БиХ**

*Mladena Maglova 2, 76100 Brčko distrikt BiH, telefon i faks: 049/215-516*

*Младена Маглова 2, 76100 Брчко дистрикт БиХ, тел. и факс: 049/215-516*

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 33. redovnoj sjednici održanoj 30. novembra 2022. godine, usvaja

## **ZAKON**

### **O IZMJENAMA I DOPUNAMA ZAKONA O UDRUŽENJIMA I FONDACIJAMA BRČKO DISTRIKTA BOSNE I HERCEGOVINE**

#### **Član 1**

U Zakonu o udruženjima i fondacijama Brčko distrikta Bosne i Hercegovine (Službeni glasnik Brčko distrikta BiH, broj 41/20) u članu 3 iza stava 2 dodaje se novi stav 3 koji glasi:

„(3) Zakon se ne primjenjuje na nadzor nad radom mjesne zajednice“.

#### **Član 2**

U članu 8 stavu 4 riječi: „na tri službena jezika“ zamjenjuju se riječima: „na jednom od tri službena jezika“.

#### **Član 3**

U članu 11 stav 2 mijenja se i glasi:

„(2) Udruženje i fondacija ne može biti registrovano na adresi stambene jedinice u privatnom vlasništvu, osim ukoliko se adresa stambene jedinice koristi isključivo kao sjedište tog udruženja i fondacije, ili se nalazi odvojen poslovni prostor koji se isključivo koristi kao sjedište udruženja i fondacije“.

U stavu 5 ovog člana, riječi: „na adresi sjedišta udruženja i fondacije“ zamjenjuju se riječima: „na adresi i ulazu sjedišta udruženja i fondacije“.

#### **Član 4**

U članu 36 stav 1 tački d) iza riječi: „programa i projekata od javnog interesa“ dodaju se riječi: „i tekućih donacija iz budžeta Brčko distrikta Bosne i Hercegovine“.

#### **Član 5**

U članu 37 stavu 2 iza riječi: „programa i projekata od javnog interesa“ dodaju se riječi: „i tekućih donacija iz budžeta Brčko distrikta Bosne i Hercegovine“.

#### **Član 6**

U članu 47 stav 2 briše se.

Dosadašnji stav 3 postaje stav 2.

Iza stava 2 ovog člana dodaju se novi stavovi 3, 4 i 5 koji glase:

„(3) Ako se u slučaju prestanka rada udruženja i fondacije ne može provesti postupak raspolaganja imovinom preostalom nakon prestanka rada udruženja i fondacije (u daljnjem tekstu: preostala

imovina) u skladu sa statutom udruženja i fondacije, preostalu imovinu stiče Distrikt pod uslovom neispunjavanja uslova iz stava 3 tačke f) ovog člana.

(4) Udruženje i fondacija, kojoj su dodijeljena finansijska sredstva iz budžeta Distrikta u slučaju prestanka rada, ostatak sredstava dužan je vratiti u budžet Distrikta.

(5) Nakon prestanka rada udruženja i fondacije, preostalom imovinom upravlja Ured za upravljanje javnom imovinom Brčko distrikta Bosne i Hercegovine”.

#### **Član 7**

U članu 51 stavu 1 iza tačke i) dodaje se nova tačka j) koja glasi:

„j) ne postupe u skladu s rješenjem inspektora za udruženja i fondacije“.

#### **Član 8**

Član 52 mijenja se i glasi:

#### **„Član 52**

##### **(Prelazne odredbe)**

- (1) Udruženje i fondacija, registrovano prije stupanja na snagu Zakona, dužno je uskladiti akte s odredbama Zakona i usklađene akte dostaviti registru.
- (2) Inspektor za udruženja i fondacije, prilikom vršenja inspekcijaskog nadzora, nalaže udruženjima i fondacijama koja nisu izvršila usklađivanje akata iz stava 1 ovog člana, da usklade akte u roku od 60 dana od dana konačnosti rješenja.
- (3) Ukoliko i nakon navedenog roka udruženje i fondacija ne usklade akte, inspektor za udruženja i fondacije dostavlja Osnovnom sudu zahtjev za brisanje udruženja i fondacije iz registra.
- (4) Postupci registracije, koji do dana stupanja na snagu Zakona nisu pravosnažno okončani, završavaju se po odredbama zakona koji je bio na snazi u vrijeme podnošenja prijave za registraciju“.

#### **Član 9**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-5729/22

Brčko, 30. 11. 2022. godine

PREDSJEDNIK  
SKUPŠTINE BRČKO DISTRIKTA BiH  
**Mr. sci. Siniša Milić**